



Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliaq

**UPA2026/36 pillugu apeqquteqaatip akissutaa: Tusagassiorfinnut
tapiissuteqartarneq pillugu Inatsisartut inatsisaata allanngortinnera pillugu
Inatsisartut inatsisaat**

12-05-2026
Suliap nr. 2026 - 5591
Akt nr. 26488448

Postboks 1029
3900 Nuuk
Oqa.: +299 34 50 00
Email: ikin@nаноq.gl
www.nаноq.gl

Asasakka Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliamut ilaasortat

UPA2026/36 pillugu Kultureqarnermut, Ilinniartitaanermut, Ilisimatusarnermut
Ilageeqarnermullu Ataatsimiititaliap apeqquteqarneranut Naalakkersuisut sinnerlugit
siullermik qujarusuppunga.

Ataatsimiititaliap apeqqutaata ataani akissuteqaatiga atuarneqarsinnaavoq, tak.
ataaniittoq:

**Apeqqut 1: Naalakkersuisut una itisilersinnaavaat: ”tusagassiuut minnerpaamik
qaammammut ataasiarluni nuna tamakkerlugu saqqummertassaaq, imaluunniit
internetikkut tusagassiuut matumani pineqarsimappat ullut tamaasa
nutarterneqartassalluni”?**

Akissut: Inatsisartut inatsisaanni atuuttumi § 16, imm. 1, nr. 7-imi aalajangersakkap
allanngortinneranut tunngassuteqarpoq, tassanilu allassimavoq, tapiiffigineqarnissamut
piumasaqaataasoq tusagassiorfik minnerpaamik qaammammut ataasiarluni nuna
tamakkerlugu naqitanngorluni saqqummersinneqartassasoq. Siunnersuutip siunertaa
pingaarneq piviusunngortikkumallugu tusagassiorfinnullu digitaliusunut
tapiissuteqartarnissaq qulakkeerniarlugu siunnersuummi Naalakkersuisut
tusarniaassutigisaani oqaaseq ”naqitanngorluni” peerneqarpoq.

Ullormut ataasiarluni saqqummertarnissaa piumasaqaataasariaqartoq Sermitsiaq.ag-p
tusarniaanermi oqaaseqaatimini isumaliutigeqquaa. Tusagassiorfiup taavaa
pingaarnertut isiginiarneqartoq tusagassiuutit tapiiffigineqarsinnaasut ullut tamaasa
saqqummersinneqartarnissaat, tusarniaanermilu allassimasutut qaammammut
ataasiarluni saqqummertassasoq piumasaqaataajunnaassasoq. Inuiaqatigiinnut tamanut
ingerlaavartumik nutaarsiassiinermik sammisaqartunut aamma innuttaasut ulluinnarni
nutaarsiassanik atuineranni atorneqartunut tusagassiorfinnut tapiissuteqartarnerup
siunertarineqarnissaa Sermitsiaq.ag-p aamma taavaa. Taanna nangillugu tusagassiorfik

qaammatikkaarluni saqqummersartooq tusagassiorfimmut ullut tamaasa saqqummersartumut naleqqiulluni oqartussaaqataanermi suliamik assinganik isumaginnissinnaanngitsoq Sermitsiaq.ag-p taavaa, pingaartumik politikkikkut sulinermut, inuiaqatigiinni ammasumik oqallinnermut pissaanermillu ingerlaavartumik nakkutiginninnermut tunngatillugu.

Tusarniaanermi oqaaseqaat imatut paasineqartariaqarpoq, qaammammut ataasiarluni nittartakkaminik taamaallaat allanngortitsinermigut tusagassiorfik digitaliusoq tapiissutinik tunineqarsinnaalersinneqassasoq.

Inuiaqatigiinni ingerlaavartumik nutaarsiassiisartunut tusagassiornermi tapiissutit siunertarineqarnissaannikk Sermitsiaq.ag-p tusarniaanermi akissuteqaataanut Naalackersuisut isumaqataapput. Taamaattumik aalajangersakkami maannakkut paasinninneq unaavoq, tusagassiorfiit minnerpaamik qaammammut ataasiarlutik naqitanngorlutik saqqummertassasut, kisianni tusagassiorfiit internettimik aallaaveqartut tapiiffiqineqarsinnaanngussagunik ukioq naallugu ulluni tamani imarisamikkut nutaanik ilanngussaqartassasut.

Inussiarnersumik inuulluaqqusillunga

Nivi Olsen